



KETUA PEGAWAI EKSEKUTIF
(Chief Executive Officer)
AGENSI KELAYAKAN MALAYSIA
(Malaysian Qualifications Agency)

www.mqa.gov.my

OFFICIAL : Agensi Kelayakan Malaysia (MQA)

MQA Malaysia (@MQAMalaysia)

MQA_Malaysia



NO GIFT POLICY

Tel : +603-7968 7044 | Faks : +603-7954 7125

Flexible Education. Beyond Borders. Creating The Future

Ruj. Kami : MQA.100-1/7/1 Jilid 2(1)

Tarikh : 29 November 2017

KEPADA SEMUA PEMBERI PENDIDIKAN TINGGI (PPT)

Tuan/Puan,

PEKELILING MQA BIL. 5/2017

PEMAKAIAN KOD AMALAN AKREDITASI PROGRAM (CODE OF PRACTICE FOR PROGRAMME ACCREDITATION, COPPA) EDISI KEDUA

Dengan hormatnya, saya merujuk kepada perkara di atas.

2. Seperti yang tuan/puan sedia maklum, Agensi Kelayakan Malaysia (*Malaysian Qualifications Agency*, MQA) telah menerbitkan dokumen "Kod Amalan Akreditasi Program (*Code of Practice for Programme Accreditation*, COPPA)" Edisi Pertama pada September 2008. Dokumen ini telah menjadi rujukan dan kod induk kepada Pemberi Pendidikan Tinggi (PPT), para penilai jaminan kualiti, pegawai MQA, penggubal dasar, badan-badan profesional dan mereka yang mempunyai kepentingan dalam bidang pendidikan tinggi yang menerangkan mengenai sistem jaminan kualiti pendidikan tinggi Malaysia melalui proses akreditasi program.

3. Bagi memastikan kandungan COPPA adalah komprehensif dan selaras dengan perkembangan pendidikan tinggi yang dinamik, MQA telah melaksanakan kajian semula terhadap COPPA Edisi Pertama. Selaras dengan perkembangan pendidikan tinggi luar negara dan input daripada pihak berkepentingan, MQA telah membuat penambahbaikan terhadap COPPA Edisi Pertama dan seterusnya menghasilkan COPPA Edisi Kedua.

4. COPPA Edisi Kedua melibatkan perubahan utama pada "Seksyen 2: Kriteria dan Standard bagi Akreditasi Program" yang mencakupi tujuh bidang penilaian seperti berikut:

- Bidang 1: Pembangunan dan Penyampaian Program
- Bidang 2: Penilaian Pelajar
- Bidang 3: Pemilihan dan Khidmat Sokongan Pelajar
- Bidang 4: Staf Akademik
- Bidang 5: Sumber Pendidikan
- Bidang 6: Pengurusan Program



- Bidang 7: Pemantauan, Semakan dan Penambahbaikan Kualiti Berterusan Program

5. COPPA Edisi Kedua akan digunakan oleh MQA bagi tujuan penilaian dan menjadi panduan kepada PPT dalam melaksanakan amalan berkaitan pengendalian program di institusi masing-masing. Justeru, penggunaannya adalah terpakai kepada semua PPT dalam penyediaan dokumen permohonan Akreditasi Sementara dan Akreditasi seperti butiran berikut:


TARIKH	PERKARA
1 April 2018	<ul style="list-style-type: none"> • Semua permohonan Akreditasi Sementara dan Akreditasi hendaklah menggunakan COPPA Edisi Kedua sepenuhnya. • COPPA Edisi Kedua akan digunakan sepenuhnya dalam proses penilaian MQA.

6. Untuk makluman juga, dokumen pemetaan Seksyen 2, 3 dan 6, COPPA Edisi Kedua berserta borang permohonan Akreditasi Sementara (MQA-01 2017) dan Akreditasi (MQA-02 2017) boleh dirujuk dan dimuat turun melalui laman web MQA, www.mqa.gov.my.

Sekian, terima kasih.

“BERKHIDMAT UNTUK NEGARA”

Saya yang menurut perintah,



(PROF. DR. HJ. HAZMAN SHAH BIN ABDULLAH)
 Timbalan Ketua Pegawai Eksekutif (Jaminan Kualiti)
 Menjalankan Tugas sebagai Ketua Pegawai Eksekutif
 Agensi Kelayakan Malaysia